



URED ZA ODNOS S JAVNOŠĆU

Glavna komanda Snaga Europske unije
Baza Butmir
71000 Sarajevo
Bosna i Hercegovina
<http://www.euforbih.org/>
Tel: 00387 (0)33 49 5214 / 5216

Saopćenje za javnost

Baza Butmir, 17. maj 2014. g.

Nekoliko stotina ljudi spašeno helikopterima EUFOR-a

Jutros su EUFOR-ove operacije spašavanja počele izvođenjem jedne medicinske evakuacije, a tokom dana izvedene još četiri. Oko 200 civila je evakuirano tokom 30 letova do 04:00 sata danas poslijepodne. "Stari ljudi, djeca, iznemogle osobe i osobe u kritičnom stanju imaju prioritet", izjavio je načelnik Zračnih operacija EUFOR-a pukovnik Christian Tesar. Danas će se letovi izvoditi sve do zalaska sunca.

Dok su jučerašnje zračne operacije EUFOR-a uglavnom bile fokusirane na područja Maglaja, Tuzle i Zenice, danas se fokus preusmjerio na evakuacije na sjeveru zemlje, tačnije Šamac, Doboje, Brčko Distrikt i Modriču. Da bi se povećala istrajnost i učinkovitost zračnih operacija EUFOR-a, u Zenici je uspostavljeno dodatno mjesto za snabdijevanje helikoptera gorivom.

Jučer je evakuirano 291 civila tokom 72 leta helikoptera EUFOR-a tipa "Alouette" i "Black Hawk". Tokom noći tri kamiona su prevozila hranu, vodu i odjeću do Maglaja, gdje su pomogli pri daljnjoj raspodjeli. Jutros u 06:00 sati vratili su se u bazu Butmir, gdje se nalaze u stanju pripravnosti da i dalje pruže pomoć stanovništvu BiH.

Pregled današnjih aktivnosti će biti poslan sutra ujutro.

KRAJ

Glasnogovornik:

kap. Nicolai Tschol
00387 (0)33 495 147
00387 (0)61491 366
euforpio@eufor.eu.int